

# Ilinniarnertuunngorniartunik ilinniartunngortitsisarneq pillugu Namminersorlutik Oqartussat nalunaarutaat

Ilinniarnertuunngorniartarneq pillugu Inatsisartut inatsisaat nr. 13, 22. november 2011-meersumi § 5, imm. 2, § 6, imm. 2, § 8, imm. 3 aamma 4, § 11, imm. 3 aamma 4 kiisalu § 14 naapertorlugu aalajangersarneqarpoq:

## Kapitali 1

*Ilinniartunngorsinnaanermut ilinniartunngortitsinermullu piumasaqaatit immikkut ittut aamma karakterinik naatsorsueqqittarneq*

**§ 1.** Qinnuteqartut Kalaallit Nunaanni aalajangersimasumik najugaqanngitsut ilinniarnertuunngorniartarfimmi ilinniartunngortinneqarsinnaapput qinnuteqartoq qinnuteqartunut Kalaallit Nunaanni aalajangersimasumik najugaqartunut piumasaqaatit qaffaseqataannik tunngaviusumik ilinniarnermi ilinniakkatigut pisinnaasaqartoq Ilinniartitaanermut Naalakkersuisoqarfik naliliippat.

**§ 2.** Qinnuteqartunut Greenlandic Grading System-skala malillugu naliliiffigineqanngitsunut ilanngussami 1-imi naatsorsueqqinnermut tabeli aalajangersarneqartoq malillugu naatsorsueqqittoqassaaq.

*Imm. 2.* Qinnuteqartunut ilanngussaq 1-imi naatsorsueqqinnermut tabelitut aalajangersarneqartumut ilaangitsut Ilinniartitaanermut Naalakkersuisoqarfiup naliliinera tunngavigalugu naatsorsueqqittoqassaaq.

## Kapitali 2

*Qinnuteqarnerup ingerlanneqartarnera*

**§ 3.** Ilinniarnertuunngorniartarfinni ilinniartunngorniartarluni qinnuteqarneq ukiumi ilinniarnarup aallartiffissaani kingusinnerpaamik 1. marts pisarpoq.

**§ 4.** Qinnuteqarnermi immersugassaq Ilinniartitaanermut Naalakkersuisoqarfimmit akuerisaasoq atorlugu ilinniartunngornissamik qinnuteqartoqassaaq.

*Imm. 2.* Ilinniarnertuunngorniartarneq pillugu Inatsisartut inatsisaanni nr. 13, 22. november 2011-meersumi § 8, imm. 1-imi piumasaqaatit eqqortinneqarnerisigut tassungaluunniit taarsiullugu § 8, imm. 2 malillugu immikkut akuerineqarnissamik imaluunniit ilinniartunngornissamut misilitsinnikkut ilinniartunngornissamik qinnuteqarnerluni qinnuteqartup qinnuteqarnermini ilisimatitsissutigissavaa, takuuk kapitali 3.

*Imm. 3.* Ilinniarnertuunngorniartarfimmi sorlermi ilinniartunngornissamik qinnuteqarnerluni qinnuteqartup

qinnuteqarnermini ilisimatitsissutigissavaa. Qinnuteqartoq arlalinnik kissaateqaruni taakku tulleriinnilersorneri qinnuteqartup allassavai.

*Imm. 4.* Ilinniarnertuunngorniartarnek pillugu Inatsisartut inatsisaanni nr. 13, 22. november 2011-meersumi § 11, imm. 1-imi 2-milu malittarisassat aallaaviginagit ilinniarnertuunngorniartarfi allami ilinniartunngornissaq kissaatigineqarpat tamassumunnga ilinniakkatigut inuttullu tunngavilersuutit qinnuteqartup allassavai.

*Imm. 5.* Tunngaviusumik ilinniareernerup kingorna ilinniakkat sammiviini sorliup toqqarnissaanik ilimagisani siumut pituttuutaanngitsumik qinnuteqartup qinnuteqaammimi nalunaarutigeriissavaa.

*Imm. 6.* Qinnuteqaat qinnuteqartumit atsiorneqassaaq. Qinnuteqartoq angajoqqaatut oqartussaassusilinnit oqartussaaffigineqarpat qinnuteqaat aamma angajoqqaatut oqartussaassusilinnit atsiorneqassaaq.

**§ 5.** Ilinniartunngornissamik qinnuteqaat Piareersarfimmut qinnuteqartup kommunimi angerlarsimaffianiittumut nassiunneqassaaq.

*Imm. 2.* Qinnuteqartut piffissami qinnuteqarfimmi Kalaallit Nunaata avataani aalajangersimasumik najugaqartut, ilinniartunngornermut tunngatillugu kommunimi ilaqutaqariinnermi annertunerpaamik atassuteqarfigisaat angerlarsimaffiattut isigineqassaaq.

*Imm. 3.* Qinnuteqartut angajoqqaatut oqartussaassuseqartunit oqartussaaffigineqartut ilaqutariinnikkut attuumassuteqarfiat nalinginnaasumik tassaassaaq angajoqqaatut oqartussaassusillit aalajangersimasumik angerlarsimaffigisaat.

*Imm. 4.* Qinnuteqartut angajoqqaatut oqartussaassusilinnit oqartussaaffigineqanngitsut ilaqutariinnikkut attuumassuteqarfiat nalinginnaasumik tassaassaaq Kalaallit Nunaanni kingullermik aalajangersimasumik najugaqarfiat.

**§ 6.** Qinnuteqartup kommunimi angerlarsimaffianni Piareersarfiup qinnuteqaat ilinniarnertuunngorniartarfi qinnuteqartup ilinniartunngornissamik salliutillugu qinnuteqarfigisaanni rektorimut kingusinnerpaamik 15. marts nassiutissavaa. Kingusinnerpaamillu ulloq taanna paasisstissat attuumassuteqartut tamaasa Piareersarfiup elektroniskiusumik database-mut IT-reg-imut immiutissavai.

**§ 7.** Ilinniarnertuunngorniartarfi qinnuteqartut ilinniartunngornissamik salliutillugu qinnuteqarfigisaanni rektorip ilinniartunngornissamik misilitsinneq aamma napparsi-mareernerup kingorna misilitsinneq qaqugu ingerlanneqassanersut misilitsinnikkut ilinniartunngornissamik qinnuteqartut kingusinnerpaamik 22. marts nalunaarfigissavai, misilitsinneq sumi ingerlanneqassanersoq misilitsinnissamullu paasisstissat allat pillugit. Allakkallu assiligneqarneri tamatuma ilutigisaanik qinnuteqartup angerlarsimaffigisaanni Piareersarfimmut nassiutissavai.

**§ 8.** Ilinniarnertuunngorniartarfi qinnuteqartut ilinniartunngornissamik salliutillugu qinnuteqarfigisaanni rektorip qinnuteqartut ilinniartunngortinneqarnerisut kingusinnerpaamik 1. maj nalunaarfigissavai, tassunga ilanngullugu § 9 malillugu ilinniartunngortinneqarneq piumasaqaatitaqarnerisut imaluunniit § 10 malillugu naammattunik inissaqarnissaa apequtaatillugu nalunaaruteqartoqarnerisut.

*Imm. 2.* Qinnuteqartut ilinniarnertuunngornissamut misilitsittut misilitsinnerup innerneranik misilitsinnermilu angusisoqarsimanersut ilanngullugu nalunaarfigineqassapput.

**§ 9.** Qinnuteqartut piffissami qinnuteqarfiusumi sulii meeqqat atuarfianni naammassinngitsut imaluunniit meeqqat atuarfianni nalinginnaasumik piumasaqaatit assinginik ilinniarnermik naammassinngitsut inaarutaasumik misilitsinnerni killiffinnilu karakterini minnerpaamik karakterissatut aalajangersakkat anguneqarnissaat piumasaqaatigulugu ilinniartunngorsinnaaneranik nalunaarfigineqarsinnaapput.

**§ 10.** Qinnuteqartut ilinniartunngornissamut misilitsittut imaluunniit immikkut akuerineqarlutik ilinniartunngortinneqartut ilinniartunngortinneqarnermik nalunaaruteqarnermut peqatigitillugu nalunaarfigineqassapput naammattunik inissaqarnera apeqqutaatillugu ilinniartunngortinneqartut, kingusinnerusukkullu nalunaaruteqartoqassasoq inaarutaasumik ilinniartunngortinneqarnersut taamaattoqarpallu ilinniarnertuunngorniartarfi sorlermi.

**§ 11.** Qinnuteqartut ilinniarnertuunngorniartarfi pillugu Inatsisartut inatsisaanni nr. 13, 22. november 2011-meersumi § 8, imm. 1-imi piumasaqaatit eqqortinnerisigut ilinniartunngortinneqartut, ilinniartunngortinneqarnermik nalunaaruteqarnermut peqatigitillugu nalunaarfigineqassapput, ilinniarnertuunngorniartarfi qinnuteqateqarfigisami ilinniartunngortinneqartut, 1) piffissami qinnuteqarfigisaminni kommunimi aalajangersimasumik najugaqarfigisaminni ilinniarnertuunngorniartarfi imaluunniit ilinniarnertuunngorniartarfi teknikimik imaluunniit niuernermik ilinniakkanik sammiveqartunik neqerooruteqartunut ilinniartunngortinneqarnissamik qinnuteqarsimappata aamma 2) qinnuteqartup ilinniarnertuunngorniartarfi ilinniartunngortinneqarnissamik qinnuteqarneranut akerliusumik ilinniartitaanermut Naalakkersuisoqarfik inissat pillugit najoqqutassanik aalajangiisimangippat.

*Imm. 2.* Qinnuteqartut ilinniartunngortinneqartut allat Inatsisartut inatsisaanni nr. 13, 22. november 2011-meersumi § 8, imm. 1-imi piumasaqaatinik eqqortitsisut nalunaarfigineqassapput ilinniarnertuunngorniartarfi sorlermi ilinniartunngortinneqarnerannik kingusinnerusukkut nalunaaruteqartoqassasoq.

**§ 12.** Ilinniarnertuunngorniartarfi qinnuteqartut ilinniartunngornissamik salliutillugu qinnuteqarfigisaanni rektorip qinnuteqartut piumasaqaateqarluni ilinniartunngorsinnaanermik imaluunniit naammattumik inissaqarnersaq apeqqutaatillugu ilinniartunngorsinnaanermik siusinnerusukkut nalunaarfigineqarnikut inaarutaasumik ilinniartunngortinneqarnersut kingusinnerpaamik 1. juli inaarutaasumik nalunaarfigissavai.

*Imm. 2.* Qinnuteqartut naammattunik inissaqarnissaq apeqqutaatillugu ilinniartunngortinneqarnissamik siusinnerusukkut nalunaarfigineqarnikut, inaarutaasumillu ilinniartunngortinneqanngitsut nalunaarfigineqassapput, tulleriiarilluni utaqqisut allattorsimaffiannut ilanngunneqartut.

*Imm. 3.* Qinnuteqartut utaqqisunik tulleriiarilluni allattuiffimmiittut ilinniartunngortinneqartunik ilinniartunngortinneqarnissamik kissaateqarnermik taamaatitsiinnartoqarpat imaluunniit ilinniarnernup aallartinnerani ilinniarnermi aallartittoqanngippat tulleriiarineq malillugu ilinniartunngortinneqarnissamik neqeroorfigineqassapput, takuuk § 14.

**§ 13.** Inaarutaasumik ilinniartunngortinneqartut ilinniartunngortinneqarnermik nalunaaruteqarnermut peqatigitillugu nalunaarfigineqassapput, ilinniarnertuunngorniartarfi qinnuteqateqarfigisami ilinniartunngortinneqartut:

1) piffissami qinnuteqarfigisaminni kommunimi aalajangersimasumik najugaqarfigisaminni ilinniarnertuunngorniartarfi imaluunniit ilinniarnertuunngorniartarfi teknikimik imaluunniit niuernermik ilinniakkanik sammiveqartunik neqerooruteqartunut ilinniartunngortinneqarnissamik qinnuteqarsimappata aamma 2) ilinniartitaanermut Naalakkersuisoqarfik inissat pillugit najoqqutassanik ilinniarnertuunngorniartarfi qinnuteqarfiusumut isernissamut akornutaasunik aalajangiisimangippat.

*Imm. 2.* Inaarutaasumik ilinniartunngortinneqartut allat nalunaarfigineqassapput

ilinniarnertuunngorniarfimmi sorlermi ilinniartunngortinneqarnerannik kingusinnerusukkut nalunaaruteqartoqassasoq.

**§ 14.** Qinnuteqartut ilinniartunngortinneqarnermik nalunaarfigineqarnikut ilinniarnernup aallartinnerani ilinniarneq aallartissavaat.

*Imm. 2.* Qinnuteqartoq ilinniarnernup aallartinnerani ilinniarnermik aallartitsinissamik kissaateqanngikkuni ilinniartunngornissamik nutaamik qinnuteqassaaq.

*Imm. 3.* Pissutsit immikkut ittut tamassuminnga tunngavissaqartitsippata ilinniarnernup aallartinnerata kinguninngua ilinniarnernup aallartinneqarnissaa rektorip akuersissutigisinnaavaa.

### Kapitali 3

#### *Ilinniarnertuunngorniarluni misilitsinneq*

**§ 15.** Ilinniartunngorniarluni misilitsinneq, tassunga ilanngullugu napparsimareertermi misilitsinneq, takuuk § 18, imm. 2, Ilinniartitaanermut Naalakkersuisoqarfimmit aqqissuunneqassaaq nalilersorneqarlunilu.

*Imm. 2.* Misilitsinnermi angusat misilitseerernerup kingorna kingusinnerpaamik sapaatit akunneri marluk qaangiunneranni nalilersorneqareersimassapput ilinniarnertuunngor-niarfinnullu nalunaarutigineqareersimassallutik.

**§ 16.** Ilinniartunngorniarluni misilitsinneq imaqarpoq allattarissamik misilitsinnermik ataatsimik ataatsimoortumik, meeqqat atuarfianni angajulliit ilinniagaanni qinnuteqartup pisinnaasaanik misiliinerusoq.

*Imm. 2.* Ilinniartunngorniarluni misilitsinneq ilinniakkani tamani suliassanik imaqassaaq, pingaarnerutinneqassallutilli ilinniakkani kalaallisut, qallunaatut, tuluttut aamma matematikkimi suliassat.

*Imm. 3.* Ilinniartitaanermut Naalakkersuisoqarfik suliassat pillugit ataatsimiititaliamik pilersitsissaaq taassumalu ilinniartunngorniarnermi misiliutissat sularissavai.

*Imm. 4.* Ilinniartitaanermut Naalakkersuisoqarfik ataatsimiititaliamut allattoqarfeqar-titsissaaq.

**§ 17.** Ilinniartitaanermut Naalakkersuisoqarfiup ilinniarnertuunngorniarluni misilitsinnerit aqqissuutissavai nakkutigalugillu.

*Imm. 2.* Misilitsinneq qinnuteqartup kommunimi angerlarsimaffiani Piareersarfimmi ingerlanneqassaaq, kisiannili imm. 3 aamma 4 takukkit.

*Imm. 3.* Ilinniartitaanermut Naalakkersuisoqarfiup aalajangersinnaavaa misilitsinneq qinnuteqartup aalajangersimasumik najugaqarfiani meeqqat atuarfianni ingerlanneqassasoq.

*Imm. 4.* Ilinniartitaanermut Ilisimatusarnermullu Naalakkersuisup aalajangersinnaavaa misilitsinneq sulisoqarfimmi naalakkersuisoqarfimmit tassunga atorneqarsinnaasutut akuerineqartumi ingerlanneqassasoq.

**§ 18.** Ilinniarnertuunngorniarluni misilitsinneq ukiut tamaasa Ilinniartitaanermut Naalakkersuisoqarfiup ullormi aalajangigaani, tamanullu takusassiarineqartumi ingerlanneqartassaaq, nalinginnaasumik piffissami 1. – 14. april-imi. Ulloq misilitsiffiususaaq aalajangerneqassaaq tamanullu takusassiarineqarluni kingusinnerpaamik 1. november misilitsinnissaaq sioqqullugu.

*Imm. 2.* Qinnuteqartunut napparsimaneq pissutigalugu allamilluunniit utoqqatsissutaasinnaasumik misilitissinnaannginnermut peqquteqartut eqqarsaatigalugit nutaamik misilitsittoqassaaq (napparsimasunut ilinniarnertuunngorniarluni misilitsinneq). Napparsimaneq uppersaaserneqassaaq

nakorsamit allagartakkut, ullormi misilitsiffiusumi suliarineqarsimasukkut. Ilinniarmimmi siullertut misilitsiffiusussami qinnuteqarfigineqarsimasumi rektorip aalajangissavaa qinnuteqartup napparsimasunut ilinniarnertuunngorniarluni misilitsinnissamut piumasaqaatit naammassisimanerai. *Imm. 3.* Napparsimasunut ilinniarnertuunngorniarluni misilitsinneq ukiut tamaasa ullormi Ilinniartitaanermut Naalakkersuisoqarfiup aalajangigaani tamanullu takusassiarisimasaani ingerlanneqartassaaq, nalinginaasumik piffissami 15.-26. april. Ulloq misilitsiffiusussaq aalajangerneqassaaq tamanullu takusassiarineqarluni kingusinnerpaamik 1. november misilitsinnissaq sioqqullugu.

## Kapitali 4

### *Inissaqartitsineq aamma agguasarneq*

**§ 19.** Ilinniarnertuunngorniarfiit ataasiakkaat tamassumunnga aningaasaliissutini sinaakkutit aammalu init ilinniartitsiviusut inissaqartitsinermullu periarfissat eqqarsaatigalugit ilinniarnertuunngorniarfiit inissaqartitsinerannut naleqquttunik amerlassusilinnik ilinniartunngortitsisinnaapput, takuulli imm. 2.

*Imm. 2.* Inissat sulisussaqarnerlu periarfissaqartitsippata, killilimmik amerlanerusut ilinniartunngortinneqarnissaannik Ilinniartitaanermut Naalakkersuisoqarfimmit akuersissuteqarsinnaavoq.

**§ 20.** Ilinniarnertuunngorniarfiit ataasiakkaat ilinniarnertuunngorniarfinni klassinut holdinullu ilinniartitsineq aqqissuutissavaat.

*Imm. 2.* Klassi imatut paasineqassaaq ilinniartinneqartut (ilinniartoqatigiit), tunngaviusumik ilinniarnertuunngorniarfiit aallartinnerani aammalu ilinniakkap sammivianik ilinniarnertuunngorniarfiit aallartinnerani pilersinneqartut, tassanilu ilinniartut ataatsimut ilinniakkanik ataatsimut ilinniartinneqarlutik. Klassi aamma pilersinneqarsinnaavoq klassit pioreersut katinneqarsigut.

*Imm. 3.* Holdi imatut paasineqassaaq ilinniartinneqartut, ilinniarnertuunngorniarfimmil qaqugukkulluunniit pilersinneqartut, tassanilu ilinniartut ilinniakkami ataatsimi ataatsimut ilinniartinneqarlutik. Holdit tassaaq inissaqartitsineq klassimi ataatsimi ilinniartut, klasseqatigiit arlariinneersut arlallit aamma klasseqatigiinnit arlariinneersunit assigiinngitsuneersut.

**§ 21.** Klassimi ataatsimi holdimilu ataatsimi ilinniartut amerlanerpaamik 24-ussapput, takuulli § 22.

*Imm. 2.* Ilinniartut ikinnerpaamik 16-iuppata ilinniarnertuunngorniarfiit klassimik ataatsimik pilersitsisinnaapput, takuulli § 22, imm. 2

*Imm. 3.* Ilinniartut ikinnerpaamik arfineq pingasuuppata ilinniarnertuunngorniarfiit holdimik ataatsimik pilersitsisinnaapput, takuulli § 22, imm. 2.

**§ 22.** Inissat aningaasaliissutit iluanni periarfissaqartitsippata Ilinniartitaanermut Naalakkersuisoqarfiup sinaakkutit iluanni § 21, imm. 1 sanioqqussinnaavaa, avatangiisinut sulisoqarnermullu tunngasut tamanna periarfissaqartippassuk.

*Imm. 2.* Tamassuminnga rektorip qinnuteqaateqareerneratigut § 21, imm. 2-mi 3-milu ikinnerpaaffissanik piumasaqaatit sanioqqunnissaannik pissutsit immikkut ittut tamatumunnga pissutissaqartitsigaangata Ilinniartitaanermut Naalakkersuisoqarfik akuersisnaavoq.

**§ 23.** Agguasarnermut ataatsimiititaliamik Ilinniartitaanermut Naalakkersuisoqarfik pilersitsissaaq, taannalu qinnuteqartut ataasiakkaat ilinniarnertuunngorniarfimmil sorlermi ilinniartunngortinneqassanersut naalakkersuisoqarfimmut inassuteqaateqartassaaq, takukkilli § 11, imm.

1 aamma § 13, imm. 1.

*Imm. 2.* Agguaasarnermut ataatsimiititaliaq ilinniarnertuunngorniartarfinni ataasiakkaani rektorimit imaluunniit rektorimit taamatut pisinnaatinneqartumit ilaasortalerneqassaaq.

*Imm. 3.* Agguaasarnermut ataatsimiititaliaq siulittaasuminik nammineq toqqaassaaq.

*Imm. 4.* Agguaasarnermut ataatsimiititaliap suleriaasissani suliarissavaa, taannalu Ilinniartitaanermut Naalakkersuisoqarfimmut akuerisassanngorlugu nassiunneqassaaq.

**§ 24.** Agguaasarnermut ataatsimiititaliap ilinniarnertuunngorniartarnek pillugu inatsimmi agguaasarneq pillugu malittarissat inassuteqaateqarnermini aallaavigissavai.

*Imm. 2.* Ataatsimiititaliap maluginiassavaa qinnuteqartut ilinniartunngortinneqartut illoqarfimmi ilinniarnertuunngorniartarfiup inissisimaffigisaata avataani najugaqartut ilinniartut inaanni assigisaanniluunniit ineqarnissamik neqeroorfigineqassasut.

*Imm. 3.* Qinnuteqartut piffissap qinnuteqarfusup nalaani Kalaallit Nunaata avataani najugaqartut ilinniartut inaanni najugaqarnissamik neqerooruteqarnermut tunngatillugu Kalaallit Nunaanni kingullermik aalajangersimasumik najugaqarfimminni najugaqartutut isigineqassapput.

*Imm. 4.* Inissat pillugit najoqqutassat Ilinniartitaanermut Naalakkersuisoqarfup aalajangersagarisinnaasai ataatsimiititaliap aammattaaq malissavai.

*Imm. 5.* Tunngaviusumik ilinniarnernup kingorna qinnuteqartut ilinniartunngortinneqartut ilinniakkap sammivianik pituttuutaanngitsumik siumut nalunaarutaat ataatsimiititaliap aammattaaq pingaartissavai, takuuk § 4, imm. 5.

*Imm. 6.* Qinnuteqartut tulleriiaarinermik nalunaarutaat aamma ilinniarnertuunngorniartarnek pillugu Inatsisartut inatsisaat nr. 13, 22. november 2011-meersumi agguaasarneq pillugu malittarisassat sanioqqunneqarnissaannik immikkut tunngavilersuutigisinnaasaat ataatsimiititaliap aammattaaq pingaartissavai.

*Imm. 7.* Qinnuteqartut ilinniartunngortinneqartut agguarneranni inissat tamarmiusut pitsaanerpaamik atorluarneqarnissaat ataatsimiititaliap aammattaaq anguniassavaa.

**§ 25.** Agguaasarnermut ataatsimiititaliap inassuteqaataa kingusinnerpaamik 7. juli Ilinniartitaanermut Naalakkersuisoqarfimmut nassiunneqassaaq.

*Imm. 2.* Ilinniartut ilinniartunngortinneqartut agguaasarnermut ataatsimiititaliap inassuteqaataani ilaasut agguarneqarnissaat pillugu Ilinniartitaanermut Naalakkersuisoqarfik kingusinnerpaamik 14. juli aalajangiissaaq. Ilinniarnertuunngorniartarfinni ilinniartut ilinniartunngortinneqarfianni rektorip ilinniartut sumi ilinniartunngortinneqarnerannik tamassuma kinguinngua allaganngorlugu nalunaarfigissavai.

## Kapitali 5

### Maalaaruteqartarnek

**§ 26.** Ilinniarnertuunngorniartarfinni ilinniartunngornissaq ilinniartunngoqqinnissarlu pillugit qinnuteqaatit pillugit rektorip aalajangiineri ilinniarnertuunngorniartarfinnup qinnuteqartut Ilinniartitaanermut Naalakkersuisoqarfimmut maalaarutigisinnaavaat.

*Imm. 2.* Qinnuteqartoq angajoqqaatut oqartussaassuseqartunit oqartussaaffigineqarpat angajoqqaatut oqartussaassuseqartut malaaruteqarsinnaapput.

**§ 27.** Maalaarut rektorimut nassiunneqassaaq, aalajangiinerullu qinnuteqartumut nalunaarutigineqarnerata kingorna kingusinnerpaamik sapaatit akunneri marluk qaangiuppata rektorip

tigusimassavaa.

*Imm. 2.* Suliami oqaaseqaat rektorip suliarissavaa, maalaaruteqartorlu oqaaseqaatip sapaatip akunnerata ataatsip iluani oqaaseqaateqarfiginissanut periarfissinneqassaaq. Oqaaseqaat maalaaruteqartullu oqaaseqaatiginnaasai ilanngullugit rektorip suliaq llinniartitaanermut Naalakkersuisoqarfimmut tamassuma kingorna ingerlateqqissavaa.

*Imm. 3.* Rektorip aalajangiinerata allanngortinneqannginnissaa pillugu imm. 1-imi piumasaqaatit eqqortinneqanngippata maalaarutip itigartinneqarnissaaq, maalaaruteqartoq ilalerlugu aalajangiinerup allanngortinneqarnissaaq imaluunniit aalajangiineq suliareqqitassanngorlugu rektorimut uterteqqinnissaaq llinniartitaanermut Naalakkersuisoqarfik aalajangiisinaavoq.

## Kapitali 6

*Atuutilersitsinermut ikaarsaariarnermullu malittarisassat*

§ 28. Nalunaarut 15. februar 2013 atortuulissaaq.

*Namminersorlutik Oqartussat, ulloq 31. januar 2013*

f/ Palle Christiansen

/

Mikael Kristensen

[Ilanngussaq](#)

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

